



Inatsisartunut ilaasortaq Jens Immanuel, Siumut  
Inatsisartut  
/MAANI

Indgået

24 MAR. 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Kalaallit aalisariutaanni inuttalersuisarneq pillugu § 37 naapertorlugu apeqqum-  
mut akissut**

Inatsisartut suleriaasianni § 37, imm. 1 malillugu Kalaallit aalisariutaanni inuttalersuisar-  
neq pillugu Naalakkersuisunut apeqquteqarsimavutit.

Apeqqut uanga susassaqaqfigisannit akineqartussanngorlugu innersuunneqarpoq.

21-03-2016  
Sulap nr.: 2016 - 5351  
Akt. nr. 2378669

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

Apeqqutit:

1. Kilisaatini inuttaasut officeriusut minnerpaamik 60 %-ii Kalaallit Nunaanni naju-  
gaqartutut inuit nalunaarsorsimaffianni nalunaarsorsimanissaannik piumasaqaa-  
taasup, qaffanneqarmissaa Naalakkersuisunit isumallutigineqarnerluni?
2. 2015 tamaat eqqarsaatigalugu, Royal Greenland-ip kilisaataataani inuttat qanoq  
amerlatigisut nunatta avataani najugallit atorfeqartinneqarpat?
3. Nunatta avataani najugallit kilisaatini officeritut atorfeqartinneqartut, nunatsinnut  
akileraartinneqartarpat?
4. Kilisaatini atorfiit nunatta avataaniit inuttaqartinneqartut, ilumut nunatsinneersu-  
nit inuttalemeqarsinnaannginnamik? Taamaattoqarsimappat qanoq tamanna  
uppersameqarsinnaava?
5. Inuiaqatigiit Royal Greenland-imik piginnittuunerat eqqarsaatigalugu, nunaqavis-  
sut kilisaatini atorluarneqarnissaat anguniarlugu, Naalakkersuisut qanoq sulinu-  
teqarpat?

Apeqqutigineqartunut akissutit:

1-imut.

Kalaallit aalisariutaanni aqumiut 60%-iisa Kalaallit Nunaanni najugaqartutut nalunaarsor-  
simanissaannik piumasaqaatip allanngortittariaqarsinnaanera Naalakkersuisut ingerlaa-  
vartumik nalilersuiffigisarpaat. Aqumiunik piginnaaneqarluarlutillu ilinniarsimasunik  
naammattunik sulisussaqaarsinnaanissaq aalajangerniamermi apeqqutaasarpoq.  
Aqumiunik piginnaaneqarluarlutillu ilinniarsimasunik naammattunik sulisussaqaartillugu  
kalaallit aalisariutaanni aqumiut nunaqavissut nammineerlutik amerleriasapput.

Kalaallit Nunaanni Imarsiornemik ilinniartiup nutarterneqarmissaa ukiuni kingullerni an-  
nertuumik aningaasaliiffigineqartarsimavoq, taamaasilluni ilinniartit umiarsuarni aqu-  
miunut nunani tamalaani akuerisaasut naapertorlugit ilinniartitsillunilu allagartartaartitsi-  
sinnaalerluni. Siuliani saqqummiunneqartut saniatigut aqumiunik ilinniartitsisarnerup  
Nuummur nuunneqarneratigut kalaallit umiarsuarni aqumiutut ilinniakkaminnik naam-

massinnittartut taamaasilutillu kalaallit aalisariutaanni sulilersussat amerlinissaat Naalakkersuisunit ilimagineqarpoq.

## 2-mut

Kalaallit Nunaanni Aalisarsinnaanermut Akuersissutinik Nakkutilliiviup (KANUAANA-p) kisitsisimanera naapertorlugu Royal Greenland A/S 2015-imi piffissami sivikitsumi sivi-sunerusumilu toqqaanartumik aqutamisulluunniit ingerlatseqatigiiffutini aqutugalugit aalisariutit nunatsinneersut 24 meterimit anginerusut 11-t atorsimavai, taakkulu Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. november 2011-meersoq naapertorlugu KANUAANA-mit nakkutigineqarput.

Aalisariutit inuttaasa allattorsimaffianik KANUAANA-p nakkutilliisamera angallatit ataasiakkaat angalerini tamani pisarpoq, inuttanilli paarlaasoqartillugu inuttalluunniit akisussaaffii allanngortinneqartillugit tamanna qarasaasiakkuinnaq pisarluni. Taamaattumik kisitsisitigut paasissutissat pigineqartut tassaapput 2015-imi tamarmi angallatini ataasiakkaani inuttat tamarniusut nalunaarsorneqarneri, tassani kisimik pineqaratik Royal Greenlandip angallammik atuinerata nalaanni inuttarineqartut. Inuit ataasiakkaat atorfinitsinneqartut kisitsisitigut nalunaarsugaatigineqarput; inuttat atorfeqartitaanerata angalanermit ataatsimit ukioq naallugu inuttaanermut nikerarsinnaasarput, taamaattumillu tamakkiisumik sulisimasut nalunaarsorneqarfiattut isigineqarsinnaanani.

2015-imi inuttat misissuiffigineqarnerinit kisitsisit qarasaasiakku nalunaarsorneqarneri KANUAANA-mit suli naammassineqanngillat, taamaattumillu aqumiunut (nalunaarummi § 2) taamaallaat tunngatillugu massakkuugallartoq kisitsisinik saqqummiisoqarsinnaalluni, pineqartunut tunngatillugu annertuumik allanngortitsinaviannngimmata. Kisitsisitigut nalunaarusiaq tullinnguuttuni takuneqarsinnaavoq:

Atorfiup suunera	Piffissani atorfeqarfigisani tamani ukiumi kingullemi marlunni Kalaallit Nunaanni najugaqartutut nalunaarsorneqartut		Piffissami atorfeqarfigisami ilaanni ukiumi kingullemi marlunni Kalaallit Nunaanni najugaqartutut nalunaarsorsimanngitsut		Piffissap atorfeqarfigisap ilaanni ukiumi marlunni Kalaallit Nunaanni najugaqartutut nalunaarsorneqartut		Katillugit
	143	67,1%	68	31,9%	2	0,9 %	
§ 2 (aqumiut)	143	67,1%	68	31,9%	2	0,9 %	213

## 3-mut.

Aalisariummi Kalaallit Nunaanni nalunaarsorneqarsimasumi atorfillit nunanili allani najugaqartut aallaaviatigut aningaasarsianit Kalaallit Nunaannut killilimmik akileraartussaataasarput, akileraarutit pillugit Inatsimmi § 2, imm. 1, nr. 17 takujuk.

## 4-mut.

Aqumiutut atorfiit tamarmik kalaallinit inuttalerneqarsinnaanerinit apeqquummut tunngatillugu paasissutissaateqartoqanngilaq. Pisarillisaasinnaanissarli eqqarsaatigalugu aqumiut kalaallit piginnaaneqartuurtut ilinniarsimasullu pisariaqartinneqartut pissarsiarineqarsinnaatillugit umiarsuaatileqatigiit taakkuninnga atorfinitsitsinissartik anguniartassagaat Naalaakkersuisut naatsorsuutigaat. Assigiimmik piginnaasaqartilluni kalaallit pinnagit kalaaliunngitsunik atorfinitsitsinissamut tunngavissaqanngilaq.

5-imut.

Ingerlatseqatigiiffiit Namminersorlutik Oqartussani pigineqartut tamarmik sapinngisamik kalaallinik sulisoqartarnissaat kissaatigaat, tamannali ingerlatseqatigiiffiit ataasiakkaat qullersaasa akisussaaffigaat, naatsorsuutigineqarporlu pineqartut suliassamut aalajangersimasumut tunngatillugu piukkunnarnerpaanik piginnaaneqartuurtullu atorfinitsitsisarsimassasut. Ingerlatseqatigiiffiit Namminersorlutik Oqartussanit pigineqartut pitsaernerpaamik ingerlatseqatigiiffittullu nutaaliaasutut nunat tamalaat akornanni nuernissamut atugassarititaasunik malinnilluni nuertutut aammalu ingerlatseqatigiiffittut Namminersorlutik Oqartussanit pigineqartutut inuiaqatigiinni immikkut akisussaaffimminik isiginnilluni ingerlanneqarnissaat Naalakkersuisut angunigaraat. Tamatuma saniatigut apeqquummut siullermut akissutigineqartut innersuussutigineqarput.

Inussiarnersumik inuulluaqqusillunga



Karl-Kristian Kruse